

Date – 30/01/2026
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. **Ramchhunga sawrkar damdawi in tha bik tehna, National Quality Assurance Standards (NQAS)-ah Kulikawn Hospital a tling thar.**
2. **Lunglei District-in hriselna kawnga hma a sawn theihna tur mobile application duan thar, "LushAI Healthy Lunglei" App chu nimin khan Lunglei HPC Vice Chairman Pu V. Malsawmtluangan a hawng.**
3. **Chief Economic Advisor V Anantha Nageswaran chuan ramchhungah Periodic Labour Force Survey (PLFS) kalpui anih hnuah hna nei zat an pung tih a sawi.**
4. **Prime Minister Narendra Modia chuan Economic Survey chuan India in insiamthatna a kalpui mek chiang lehzualin a lantir a ti.**

<><><>

NQAS

Ramchhunga sawrkar damdawi in tha bik tehna, National Quality Assurance Standards (NQAS)-ah Kulikawn Hospital a tling thar a, heti hian Mizoram chhunga Sub-District Hospital (SDH) pahnih zingah National-level NQAS certificate nei pakhat a awm ta a ni.

National Health Mission, Mission Director, Dr. Lily Chhakchhuak hnen aṅanga thu dawn danin NQAS national-level endiknaa tling thar Kulikawn SDH hian a tehnaah zaa 94.30 an hmu a ni. Sub-District Hospital leh District Hospital hian NQAS Certificate atan hian tehna inang hman a ni.

Heti hian Mizoram chhunga Sawrkar damdawi in 60 te'n NQAS national-level certificate an nei mek a. Tunah hian sawrkar damdawi in 11 leh HWC Sub-Centre 45-in state-level NQAS certificate nei tawhin national-level-a endikna tur an dil mek a ni.

NQAS certified damdawi in te hi endikna chhawng thum paltlang an ni a, a tawp bera endikna an hmachhawn hi National External Assessment a ni a, state pawn aṅangin endiktu an lo kal ṅhin a. Hetah hian a tehnaa zaa 70 an hmuh tlin chuan certified an ni chauh ṅhin. Heng certified tawh damdawi inah te hian natna darh thei ven kawngah te, thawktu zawng zawngte'n an hna bil an thiamna te, an level zelah enkawlina an pek ṅhat dan te, a thlawna enkawlina leh damdawi pek te, damdawi in faina leh dik taka damdawi in bawlhhlawh sawngbawl te, hawihhawmna leh a chhehvel vawnfai kawngah te, environment vawn ṅhat kawngah te, khawtlang nena an thawhhonaah te endik an ni.



CHIN-LUSHAI CONF

Mizoram State Legislative Assembly Speaker Pu Lalbiakzama, chuan Zo Re-unification Organisation (ZORO) buatsaih Chin-Lushai Conference vawi 134-na nimin an buatsaih chu a hmanpui.

Aizawla Lal Thanhawla Auditorium-ah he hun hi hmangin Pu Lalbiakzama chuan Zofate rorelna pakhat hnuai a an awm theihna tura ZORO-te'n kum 1988 aṅanga an beihna chu ropui a tih thu leh ZORO bultumin December ni 14, 2024-a Zo Indigenous Identity Card amah ngeiin a lo tlangzarh tawh thu a sawi a. Tharum thawh lova an movement kalpui mek chu chhonzawm zel turin a fuih a ni.

Assembly Speaker chuan Zofate awptu Sap hovin Chin Lushai Conference, January ni 29, 1892-a Zofate rorelna pakhat hnuai a awmtir tura an lo rel tawh tihhlawhtlin a nih tak loh avanga ramri siam chawpin a daidan rei tawh avangin Zofate zingah ṅawng, rilru sukthlek, hawi her, ngaihsan zawng chenin lo inang lo ta hret hret mah se thlah khat, unau chhul khat kual na na na chu an danglam thui thei tak tak lo, a ti a. Zofate chu an awmna hmun apiangah inngeih taka nung ho a, tangkhawm turin a chah a. Rorelna pakhat hnuai a an awm thei rih lo mah se, thinlung hmunkhat puin an awm thei a ni, tih a sawi bawk.

Chin-Lushai Conference vawi 134-naah hian thupui atan 'Inpumkhatna' tih hman a ni.



DM & R

Mizoram sawrkara Disaster Management & Rehabilitation (DM&R) leh Cooperation Department Secretary Pu Udit Prakash Rai an nimin khan Lunglei tlawhin, district official-te nen Lunglei DC Conference Hall-ah DM&R leh Cooperation Department hnuai a hma lakna hrang hrang an thlir ho.

Pu Udit Prakash Rai chuan kumin January ni 15-a Mizoram puma lirnging vanga chhiatna thlen thulha chet lak dan en chhinna (mock exercise) buatsaihah Lunglei District chuan ṅa taka an tih tur an hlen chhuah avanga lawmawm a tih thu sawiin, District Disaster Management Authority (DDMA), department hrang hrang leh mipuite chungah lawm thu a sawi a. Chhiatna hrang hrang thleng thei lakah inralrin reng a ṅul thu leh Disaster Management Plan leh chhiatna laka himna tura inkaihhruaina hrang hrangte chu official-te leh mipuite'n ṅa taka zawm a pawimawh thu sawiin, chhiatna thlen thulha chhanchhuah hna leh chhawmdawl hna thawhna kawngah official-te chu rang taka che chhuak ṅhin turin a chah a. Cooperation Department-a thawktute pawh cooperative society kal tlanga mipuite'n hmasawna tam zawk an neih theih nan sawrkar ruahmanna hrang hrangte chu ṅa taka kalpui turin a chah bawk.



HEALTHY LUNGLEI APP

Lunglei District-in hriselna kawnga hma a sawn theihna tur leh hriselna kaihhnawiha mipui mamawhte awlsam zawka inpek theihna atana mobile application duan thar, "LushAI Healthy Lunglei" App chu nimin khan Lunglei High Powered Committee (HPC) Vice Chairman Pu V. Malsawmtluangan a hawng.

Lunglei District Bawrhsap kaihhruaina hnuai "Healthy Lunglei District Campaign" kal tlangin a hawna inkhawm hi nimin khan Lunglei DC Conference Hall-ah neih a ni a, Pu V. Malsawmtluanga chuan Lunglei leh a chhehvela chengte'n awlsam zawka hriselna lam thil an ban thei tur chu lawmawm a tih thu leh khualzinte tan pawh kawng tam tak tangkai tur a nih thu sawiin, North East-a heti ang App hmasa ber a ni a ti. Mizoram sawrkar chuan hriselna a ngai pawimawh tih sawiin, MUHCS pawh mi tam takin an tangkaipui tawh thu leh mi tam zawkin an hmelhriat a, an chhawr tangkai theih nana hma la turin kal khawmte a chah.

Lunglei District Deputy Chief Medical Officer Dr Christina Zonunmawii chuan Lunglei Bawrhsap hma laknaa Healthy Lunglei District Campaign kalpui a nih atangin Lunglei khaw chung leh khaw pawn hmun hrang hrangah hriselna endikna (health camp) tum 40 chuang buatsaih a nih tawh thu leh Civil Hospital Lungleia Health ATM-ah natna hrang hrang endikna a thlawn veka kalpui mek a nih thu a sawi a. Mipuite chu Health ATM hmang tangkai thiam turin a sawm baw.

He app hmang hian district chhunga sawrkar damdawi in leh health centre-a doctor-te thut hun tur a en theih dawn bakah, OPD-a inentir turin appointment a lak lawk theih dawn a. ABHA-a inziah luhna te, he app-a inziak lut damdawi dawr-te atanga damdawi chah theihna te awmin, hriselna lama hriat tur pawimawh hrang hrangte pawh awlsam takin a hmuh theih dawn a ni.



GOVERNOR

Larsap General (Retd) Dr Vijay Kumar Singh-a'n Mizo thalaite chu thiamna leh theihna nei tha tak an nih avangin an theihna zawnte hriaa thiambel tum turin a chah.

Nimina Students' Self Support Union General Assembly vawi 39-na leh an pawl din champha Jubilee lawmna Aizawl Vanapa Hall-a neih a hmanpuinaah he thu hi a sawi a, zirlai ni chunga mahni intodelh tum tlat Students' Self-Support Union-in kum 40-na hmel a hmu chu thinlung taka a lawmpui thu a sawi a, zirna senso leh inelna sang chho mek zel karah SSU chuan kut hnathawh a zahpui lova, sum leh paia intodelh leh mahni kut kea din a ngaipawimawh a, hei hian zirna chu degree neih nan mai ni lo, mi puitling chherchhuah nana pawimawh a ni tih a entir chiang hle tih sawiin, SSU hmalakna chu zirlaite cho phurtu pawimawh tak a ni, a ti.

Zirlaite chu nakin huna Mizoram mai bakah India ram inghahna tur leh Viksit Bharat @2047 thlen theih nana ram nghahfak an nih thu leh, mawhpurhna nasa tak an neih thu sawiin, Mizo thalaite chu thiamna leh theihna nei tha tak an nih avangin an theihna zawnte hriaa thiambel tum turin

a chah. SSU hruaitute chu a tul huna zirlaite puih theihna tur microfinance lam ngaihven turin a chah bawk.

He hunah hian kum 2026-2027 atana SSU Gen Hqrs. hruaitu thar thlan a ni a, President: Robinson Zomuansanga, Vice President: Lalrinmawia, Secretary General: Jacob Lalduhkima, Joint Secretary: Rinsangzela, Treasurer: Lalvenhlupuii Hnamte leh Fin. Secretary: Lalrempuii te an ni.

<><><>

MSCU

Mizoram State Cooperative Union (MSCU) Board of Directors chu an President Pu K.Lalchamreia kaihhraina hnuaih MSCU Meeting Room, Aizawl Dawrpui-ah nimin khan an thukhawm.

He thutkhawmah hian Mizoram Contract Employees Regularisation Scheme, 2008 zawm ve chungchang ngaihtuah niin uluk zawka ngaihtuah that leh tulin an hria a, hei bakah hian an staff thenkhat tunhnaia dah nghehte promotion chu an pawmpui a ni.

Junior Cooperative Training Centre (JCTC), Aizawl Chawlhmun venga mi chu Institute of Cooperative Management (ICM) a leh tura hmalak mek a nih avangin, hemi atana tul leh pawimawhte zirchiang tur in tirh nise an ti a ni.

Mizoram State Cooperative Union hi kum 1975 khan din a ni a. MSCU hnuaih hian Board hrang hrang 13 a awm mek a, Serchhip leh Kolasibah branch an nei bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

MERA YUVA BHARAT MIZORAM

National Voters Day Padyatra /Rally vawiina Government T Romana College, Aizawl a hman turah thalai tam thei ang ber tel turin Mera Youva Bharat Mizoramin an sawm.

Mera Youva Bharat Mizoram hotute'n Aizawl Press Club a thuthar thehdarhtute an kawmnaah, an director Pi Mercy Selate chuan Sawrkar laipui, Ministry of Youth Affairs & Sports chuan January Ni 25 chu India ram pumah National Voter's Day atan a hmang tih sawiin, he programme in a tum ber chu, "My Bharat My Vote" tih thupui a hmang a, thalaite ram inrelbawlina huanga tel tir a, ram hmasawnaa an mawhphurhna a ni tih an inhriat thar a ni a ti a. Vawiin hian Govt T Romana College, Aizawl, leh Sport Authority of India (SAI) te nen tang hovin National Voters Day pual hian Rally neih a ni dawn tih a sawi a, he hunah hian vote nei thar, Electoral roll a ziah luh tharte chawimawina hun hman a ni dawn tih sawiin, thalai tak thei ang ber tel turin a sawm a ni.

<><><>

CEA

Chief Economic Advisor V Anantha Nageswaran chuan ramchhungah Periodic Labour Force Survey (PLFS) kalpui anih hnuah hna nei zat an pung tih a sawi. Economic Survey 2025-26 chungchanga chanchinbumite a kawmnaah Pu Nageswaran chuan ramchhunga hna thawh tur neilo unemployment rate chu kum 2023-24 a za zelah paruk atangin za zelah 3 ah a tlahniam tih a sawi a. Khawvel sum dinhmun a tlakhniam mek laiin India erawh chuan sum thawhchhuahna lamah nasa takin hma a sawn a ti bawk.



PRAGATI

Prime Minister flagship programme Pro-Active Governance and Timely Implementation, PRAGATI chuan mellung pawimawh tak phunin a tum 50 na inhmukkhawm hlawhtling takin a nei. He programme hi PM Modian kum 2015 a bul a tan atangin sawrkar inrelbawl na leh hnathawh dana inthlak danglamna tam tak a thleng a. Sawrkar hnathawkte hna thawh dan chu a hunlai ngeia vil a ni a, Prime Minister hoa thlirletna hun hman thin niin hetah hian hmasawna ruhrel pawimawh tak tak te pawm niin mipuiten lungawilohna an thlente pawh enfiah nghal a ni a thin a. Kum 10 chhungin PRAGATI hian sawrkar thutlukna pawimawh tak takah nasa takin a pui a, hmasawna hna thawh tikhawtlai thinte chin fel niin sawrkar hnathawkte rintlak lehzuala siam an ni.

PRAGATI hnuai project hlawhtling zingah Karnataka-a Super Thermal Power Project hi a tel a. He project hi NTPC Limited hmalakna niin lungalhthei behchhana kawlpheha siamchhuahna tur project niin Karnataka-a Vijayapura district a siam a nia . India chhim lama NTPC project lian berte zinga mi a ni. Hetiang taka project pawimawh anih avang hian PRAGATI hnuai Prime Minister Narendra Modia hoin June ni 24 2025 khan thlirho a ni a. Railway te nena thawhhona tha tak hnuai tihpuitlin ngai anih avangin Pu Modia hian railway thuneitute pawh project hlawhtlin theih nana tan la turin a chah a. Hetianga chak taka hmalak anih avang hian kum 2018 December ni 3 khan hawn alo ni ta a ni.



ECONOMIC SURVEY

Prime Minister Narendra Modia chuan Economic Survey chuan India in insiamthatna a kalpui mek chiang lehzualin a lantir a ti. Social Media ah he thu hi sawiin Pu Modia chuan khawvelin harsatna a tawh mek kara chawl loa ram hmasawn chhoh dan a lang a ti bawk.

Puan tawh angina Union Finance Minister Nirmala Sitharamani'n nimin khan Economic Survey 2025-26 Parliament ah a pharh.

Sawrkar kum kal mekah ram sum dehchhuah GDP chu zaa 7.4 in a thang dawn tih a tarlang. Hei bakah hian kum 2027-28 chhunga ramchhung eibar dinhmun thanna chu zaa 6.8 atanga 7.2 inkarah a thang dawn niin chhut lawk a ni bawk.

Economic Survey a tarlan anih danin kum 2026 sawrkar kum chhungin chak takin ramin hma a sawn a. Ramchhunga lei leh hralhna sum leng vak nasa avangin ram sum dehchhuah hi apung tih tarlan a ni a.a Thilsiam

chhuahna lam dinhmun a tha tawh tih sawiin agriculture lam pawh nghet takin
a awm mek tih a tarlang a ni.

<><><>